

Visoki predstavnik sudjelovao u radu okrugloga stola o poslovanju u Tuzli

Visoki predstavnik Christian Schwarz-Schilling sudjelovao je u radu okrugloga stola o ekonomskim pitanjima u svezi s izvozom, koji je danas u Tuzli organizirala Razvojna agencija za regiju sjeveroistok, zajedno s predstavnicima pet izvozno orijentiranih poduzeća iz regije Tuzle: TMD AI (Gradačac), Herceg d.o.o. (Srebrenik), Alpamm d.o.o. (Tuzla), Smrčak (Zvornik) i FEN BH (Lukavac).

Predstavljena bosanskohercegovačka poduzeća su izvijestila da izvoze značajan dio proizvoda – a dva poduzeća izvoze cjelokupnu proizvodnju – te da bi se njihova poduzeća širila dalje ako bi se razvijao izvoz.

«Bosanskohercegovačka poduzeća su pokazala da su i sposobna i inovativna», rekao je Visoki predstavnik na današnjem okruglom stolu. «Njihovi proizvodi se mogu natjecati sa stranim konkurentima što pokazuje da BiH zaista ima ekonomski potencijal».

«Bosanskohercegovački političari moraju sada poduzeti mjere da dalje razvijaju ovaj potencijal. Time što će pomoći poduzećima mogu pomoći ovoj regiji i cijeloj Bosni i Hercegovini», rekao je Christian Schwarz-Schilling.

Predstavnici poduzeća su također naglasili da bi olakšavanje viznoga režima za bosanskohercegovačke gospodarstvenike, zatim pomoć izvoznim poduzećima te stvaranje pravične klime – stavljanje bosanskohercegovačkih poduzeća u jednak odnos sa stranim poduzećima pomoglo rastu njihova poslovanja.

«Mora postojati politika da se poboljša pristup stranim tržištima», rekao je danas Visoki predstavnik, «to je apsolutno u interesu BiH», dodao je.

Visoki predstavnik je ohrabrio sudionike okrugloga stola da preuzmu vodeću ulogu u promoviranju jednake i pravične klime za izvoz kako bi, kao rezultat toga, bosanskohercegovački političari vidjeli bolje poslovno okruženje.

«Vi predstavljate izvozna poduzeća. Vi se morate natjecati na stranome tržištu s poduzećima iz drugih zemalja koja u većini slučajeva imaju bolje uvjete za izvoz», rekao je Visoki predstavnik. «Ovaj izvozni debalans se mora promijeniti jer time što će bosanskohercegovačka poduzeća postati konkurentnija stvarat će se nova radna mjesta i jačati gospodarstvo.

Od početka svoga mandata Visoki predstavnik je dao visoki prioritet ekonomskome razvitku i naglasio ključnu ulogu malih i srednjih poduzeća u oporavljanju bosanskohercegovačkoga gospodarstva. Iskustva poslovne zajednice tuzlanske regije mogu se primijeniti na mnoga druga područja u BiH i na njima treba dalje graditi kako bi se pomoglo poduzećima da se suoče s promjenama koje ih čekaju u budućnosti.